

وقفه مع النفس

لازم افكر واعيد بقي حساباتي
وافوق واصحي من نومي وسُبَّاتي
فيها ايه لما صاحب تبان حقيقتة .
عشان جنيه او غدوة حلوة يبيع كرامته
ولا الثاني كان علي لسانه حروف الشهامة
يضربك في ظهرك ويقبلك بابتسامه
لازم أفكر وأعيد حساباتي
ومش اى حد يسمع تنهيدى وأهاتى
مش مفاجأه لما تلاقى
محدث خلاص على العهد باقى
ومش زيارة صديق فى مرضي .
هى إالى هتكون سبب شفائى .
مين هيفتكرنى بعد فراقى
لازم أفكر وأعيد حساباتي .
وأمسح كتير جوانب من حياتى .
ليه أدى حق . لواحد مايستحق

إنه يشغل مكان في ذكرياتي
طالما هو باع وخان
وكمآن عليه الود هان
فجزاءه عندى أكيد نسيان .
لازم أفكر وأعيد حساباتي
ولازم أخرج بقى من سكاتي
وكفايه بقى مجاملة .
وبالمثل تكون المعاملة
ما الهموم حوالية جُملة
وطالما محدش وساني بكلمة .
لازم أرتب بقى الأفكار .
وطالما البشر بيخلوا المحترم نمرة ؟
ومنهم كلامهم سم . وفى كلامهم نار
هاكون لِدول ترياق وهاكون لدول جمره